

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i članova 39. stav (3) i 52. Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj 25/24), na prijedlog Ministarstva zdravstva, Vlada Zeničko-dobojskog kantona, na 74. sjednici, održanoj dana 28.03.2025. godine, d o n o s i

O D L U K U

o usvajanju Programa utroška sredstava Ministarstva zdravstva na poziciji „Transfer drugim nivoima vlasti“- „Tekući transfer za JU Institut za zdravlje i sigurnost hrane – Razvoj promotivnih i preventivnih aktivnosti zdravstvenog sektora“-Izvor 10 Budžeta Zeničko-dobojskog kantona za 2025. godinu

Član 1.

(Predmet)

Usvaja se Program utroška sredstava u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 –Transfer drugim nivoima vlasti, subanalitika LAX016, pozicija „Tekući transfer za JU Institut za zdravlje i sigurnost hrane - Razvoj promotivnih i preventivnih aktivnosti zdravstvenog sektora“-Izvor 10 Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), u ukupnom godišnjem iznosu od 100.000,00 KM (slovima: stotinu hiljada konvertibilnih maraka) koji čini sastavni dio ove odluke.

Član 2.

(Način realizacija sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-6302/25

Datum, 28.03.2025. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M

utroška sredstava Ministarstva zdravstva na poziciji „Transfer drugim nivoima vlasti“- „Tekući transfer za JU Institut za zdravlje i sigurnost hrane – Razvoj promotivnih i preventivnih aktivnosti zdravstvenog sektora“-Izvor 10 Budžeta Zeničko-dobojskog kantona za 2025. godinu

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2025. godinu u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 –Transfer drugim nivoima vlasti, subanalitika LAX016, pozicija „Tekući transfer za JU Institut za zdravlje i sigurnost hrane – Razvoj promotivnih i preventivnih aktivnosti zdravstvenog sektora“-Izvor 10.

II. SVRHA PROGRAMA

Svrha ovog programa je finansijska podrška Vlade Kantona kroz finansiranje programa koje provodi JU Institut za zdravlje i sigurnost hrane Zenica kroz niz preventivno-promotivnih aktivnosti s ciljem unaprjeđenja općeg zdravstvenog stanja građana na području Zeničko-dobojskog kantona, a u skladu sa članom 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13). Programi koji će biti sufinansirani sredstvima iz Budžeta Zeničko-dobojskog kantona za 2025. godinu su:

1. Podizanje svijesti o očuvanju oralnog zdravlja kroz sistematsko podsticanje roditelja o važnosti pravilne oralne higijene i redovnog posjećivanja stomatologa djece do polaska u školu
2. Zdrave navike za zdrave i produktivne radnike
3. Skrining osteoporoze primjenom ultrazvučne denzitometrije petne kosti
4. Preventivni program ranog otkrivanja zloćudnih tumora kože na području Zeničko-dobojskog kantona
5. Promjene životnih navika za pravilan rast i razvoj učenika nižih razreda osnovnih škola: „Korak po korak ka unapređenju fizičkog zdravlja“

Navedeni programi pridonose povećanju broja djece koja redovito održavaju oralnu higijenu i posjećuju stomatologa, što dugoročno smanjuje incidenciju oralnih bolesti,

Stvaranju modela koji predstavlja nove standarde za korporativnu brigu o zdravlju i mentalnom stanju radnika u modernom društvu, povećanju broja žena koje sudjeluju u skriningu, omogućujući pravovremeno liječenje i smanjenje broja oboljelih, ranoj identifikaciji osoba s povećanim rizikom od osteoporoze i pravodobnom interveniranju kako bi se spriječili prijelomi kostiju, pojačanom sviješću građana o važnosti samopregleda i redovitom praćenju promjena na koži, što će rezultirati ranim otkrivanjem i uspješnim liječenjem tumora kože i smanjenju ili stagniranju poremećaja lokomotornog sistema kod djece kroz programe fizičke aktivnosti.

III. VISINA SREDSTAVA

Sredstava utvrđenih ovim programom iznose na godišnjem nivou 100.000,00 KM (slovima: stotinu hiljada konvertibilnih maraka).

IV. IZVORI SREDSTAVA

Izvor sredstva za finansiranje ovog programa su planirana sredstva u koloni Izdaci iz Budžeta (izvor 10) Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX016, pozicija „Tekući transfer za JU Institut za zdravlje i sigurnost hrane – Razvoj promotivnih i preventivnih aktivnosti zdravstvenog sektora“.

V. KORISNIK SREDSTAVA

Krajnji korisnik Programa je JU Institut za zdravlje i sigurnost hrane Zenica, čiji je osnivač Vlada Zeničko-dobojskog kantona, koja sukladno članu 13. Zakona o zdravstvenoj zaštiti provodi mjere za unapređenje zdravlja i prevenciju bolesti na području kantona.

VI. KRITERIJ ZA RASPODJELU SREDSTAVA

Kriteriji raspodjele sredstava je Plan utroška sredstava - Razvoj promotivnih i preventivnih aktivnosti zdravstvenog sektora koji je JU Institut za zdravlje i sigurnost hrane Zenica dostavila Ministarstvu zdravstva svojim dopisom broj: 02-57/25 od 07.01.2025. godine.

Transferisanje sredstava JU Institut za zdravlje i sigurnost hrane Zenica vršit će se u skladu sa odlukom Vlade Zeničko-dobojskog kantona o odobravanju sredstava.

Za transferisanje sredstava korisniku ovog Programa zadužuju se Ministarstvo zdravstva i Ministarstvo finansija Zeničko-dobojskog kantona, svako u okviru svoje nadležnosti.

VII. IZVJEŠTAVANJE KORISNIKA

JU Institut za zdravlje i sigurnost hrane Zenica dužna je izvjestiti Ministarstvo zdravstva o namjenskom utrošku sredstava na način kako će biti određeno odlukom o odobravanju sredstava.

VIII. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 52. stav (4) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24) o utrošku sredstava po ovom programu polugodišnje izvještavati Vladu Zeničko-dobojskog kantona.

Broj: 02-11-6302/25

Datum, 28.03.2025. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.